

Преподобный Иоанн Лествичник

Тропарь, глас 1:

Пустынный житель и в телеси Ангел / и чудотворец явился еси, богоносе
отче наш Иоанне, / постом, бдением, молитвою Небесная дарования приим, /
исцеляеши недужных и души верою притекающих ти. / Слава Давшему ти
крепость: / слава Венчавшему тя, / слава Действующему тобою всем
исцеления.

Канон преподобного, глас 8.

Песнь 1.

*Ирмос: Воду прошед, яко сушу, / и египетскаго зла избежав, /
израильтянин вопияше: / Избавителю и Богу нашему поим.*

Во свет невещественный и умный, / от печали вещественных востек
Иоанне преподобне, / молитвами твоими ко Господу просвети мя.

Яко воздержания сладость ссав, / отринул еси горесть сладстей, / темже
паче меда и сота услаждаеши отче, чувства наша.

Возшед на высоту добродетелей, / доле плещущия поплевав сласти, /
сладость явился еси спасения, преподобне отче, стаду твоему.

Богородичен: Премудрость и Слово Отчее несказанно рождающая, / души
моея лютую уврачуи язву, / и сердца болезнь укроти.

Песнь 3.

*Ирмос: Ты еси утверждение притекающих к тебе Господи / Ты еси Свет
омраченных / и поет Тя дух мой.*

Попалил еси углем обучения преславно страстей терние, / и согреваеши
монашествующих состояния.

Миро освящения от постнических преподобне аромат, / весь сложился еси
в воню благоухания Божия.

В законе обучения поучаяся, страсти потопил еси, / якоже инья ныне
фараониты, течением слез твоих.

Богородичен: Устави мое непостоянное / помышлений, Чистая, смущение,
/ Мати Божия, / к Сыну Твоему направляющи движение.

Седален преподобного, глас 4.

Подобен: Вознесыйся:

Добродетельми к небеси возсиявый, водружен яве, / возшел еси к
Боговидения неизмеримой глубине благочестно, / вся убо победив демонския
козни, / покрываеши же человеки от вреда сих, / Иоанне, лествице
добродетелей, / и ныне молишися спастися рабом твоим.

Слава И ныне, Богородичен. На престóле херувíмском седяй / и в нéдрех
Óтчих водворяйся, / я́ко на престóле седит святém Своém Влады́чице / в
нéдрех Твои́х плóтски: / Бог бо воцарíвыйся та́ко над все́ми язы́ки, / и
разу́мно ны́не поём Ему́. / Егóже и Ты, Чíстая, моли́ / спасти́ся рабóм Твои́м.

Песнь 4.

Ирмос: *Услы́шах, Гóсподи, / смотре́ния Твоегó та́инство, / разумéх дела́
Твоя́ / и просла́вих Твоё Божество́.*

Я́ко цвётник благово́ннейший, / и добродéтелей рай одушевлéнный, /
воздержáние процвёл еси́, / ýмже вся напитáл еси́ чту́щия тя.

Законополо́жителя обучéния / и мона́хов пра́вило кротча́йшее, / я́ко
Моисе́а ты и Дави́да во́истинну / стяжа́вше, óтче, ублажа́ем.

Насаждён на вода́х воздержáния, / яви́лся еси́, блаже́нне, розга́, óтче,
благоцвету́щая, / благоче́стия грóзды произно́сящая.

Богородичен: Под лéтом бывáема, / от Отца́ безлётно возсия́вша, /
Богома́ти нам родила́ еси́, / Егóже моли́ спасти́ пою́щия Тя.

Песнь 5.

Ирмос: *Вскю́ю мя отрíнул еси́ , от лица Твоего́ Свете незаходимый, и
покрыла мя есть чуждая тьма окаяннаго? Но обрати мя, и к свету
заповедей Твоих, пути моя направи, молюся.*

Погасíв вся стра́сти, / росóю подвиго́в твои́х, óтче блаже́нне, / обильно
возжéг огнём любвё и вёры, / воздержáния светíльник и просвещéние
безстра́стия, / и дне сын был еси́.

Вёры грозд, Божéственным земледéлием твои́м, óтче, воспитáл еси́, / и в
точíла вложíл еси́, / и возделáл еси́ труды́ обучéния, / и ча́шу испóлнь
духовную воздержáния, / весели́ши сердца́ ста́да твоегó.

Претерпéв дóбре прилóги и я́звы протíвных враго́в, / яви́лся еси́ столп
терпéния, / утвержда́я ста́до твоё па́лицею Божéственною, / на па́жити
воздержáния, / и на водé воспитова́я, блаже́нне.

Богородичен: Рéчем Твои́х устén, Всечíстая, последую́ще, Тя ублажа́ем, /
с Тобо́ю бо во́истинну / вели́чия сотвори́вый Госпо́дь возвели́чи Тя, / и
ýстинную Бóжию Ма́терь, / Рожде́йся из чрэва Твоегó показá.

Песнь 6.

Ирмос: *Очисти́ мя, Спа́се многа́ бо беззакония́ моя, и из глубины́ зол
возведи, молюся: к Тебе́ бо возопих, и услыши́ мя, Бо́же спасения́ моего́.*

Прия́л еси́ в души́ Божéственное бога́тство Ду́ха, / непорóчную моли́тву,
чистоту́, / че́стность, бдéние всегда́шнее, воздержáния труды́, / ýмиже дом
позна́лся еси́ Бóжий.

Вещества́ е́же до́ле, премúдре, претéкл еси́ хúдость, / невещéственною же
моли́твою ум восперíв, / и вы́шняго упоко́ения яви́лся еси́ наслéдник, /
совершенство́ ради жити́я.

По́тами по́стническими / у́глие стрел вра́жиих угаси́л еси́ вои́стинну, / и
огнь ве́ры возсия́в, / попали́л еси́ неве́рия, ересей́ шата́ния.

Богородичен: Возсия́ от Сио́на вы́шняго благоле́пие, / предложéнием
плóти по соединéнию неизречéнному, / из Тебé, Неискусобра́чная,
обложéнное, и мир просвети́.

Кондак, глас 4.

Подобен: Яви́лся еси́ днесь:

На высотé Господь воздержáния и́стинна тя положи́, / я́коже звезду́
нелéстную, световодя́щую концы́, / наста́вниче Иоáнне, о́тче наш.

Икос: Дом Бóжий я́ко вои́стинну, / самаго́ себе соделал еси́, о́тче, /
божéственными твоими́ добродéтелями, / я́ве украси́в я́ко злато́ свéтное, /
ве́ру, наде́жду и любóвь и́стинную, / Божéственныя закóны излага́я, /
воздержáнием обучи́вся я́ко безплóтный, / рáзум, мýжество, целомýдрие
стяжав, / смире́ние, и́мже вознэ́лся еси́. / Тэмже и просвети́лся еси́ /
моли́твами непрестáнными, / и небéсная прия́л еси́ селéния, / наста́вниче
Иоáнне, о́тче наш.

Песнь 7.

Ирмос: *От Иудеи дошедше о́троцы, / в Вавилóне иногда́, / ве́рою
Тро́ической пла́мень пéщный попрáша, пою́ще: / отцéв Бóже, благословéн
еси́.*

На злáце вы́шняго цáрствия, / ста́до о́тче воспитáл еси́ / и жезлóм догмáт
звэри отгна́в ересей́, воспéл еси́: / о́тец нáших Бóже благословéн еси́.

В гóрний вшел еси́ и невестнический черто́г Цáрства Христо́ва, / одéждею
облечéн достóйною звáвшаго, / в нэмже и возлэ́гл еси́, вопия́: / о́тец нáших
Бóже благословéн еси́.

Невлáжная грехми́, река́ яви́лся еси́ воздержáния о́тче, / по́мыслы
потопля́я, и сквэрну очища́я, вопию́щих ве́рою: / о́тец нáших Бóже
благословéн еси́.

Богородичен: Из чре́ва Твоего́ прóйде воплоти́выйся, Дéво, всех Господь:
/ тэмже Тя Богорóдицу мýдрствующе правослáвно, Сы́ну Твоему́ зовéм: /
о́тец нáших Бóже благословéн еси́.

Катавасия: Не послужи́ша твáри Богомýдрии / пáче Создáвшаго, / но,
огненное прещéние мýжески попрáвше, / рáдовахуся, пою́ще: / препéтый
отцéв Господь и Бог, благословéн еси́.

Песнь 8.

Ирмос: *Царя́ Небéснаго, / Егóже пою́т вои́ Ангельстии, / хвалите́ и
превозносите́ во вся ве́ки.*

Столп ты одушевлéнный я́ко вои́стинну, / и óбраз воздержáния о́тче
стяжавше, / вси твою́ пáмять почитáем, Иоáнне.

Мно́жество ра́дуется мона́хов, / и ликует преподо́бных собо́р и пра́ведных, / венец бо досто́йно с ними прия́л еси́.

Укра́шен добродете́льми, / в невестник неизрече́нная сла́вы соше́л еси́, / песнь воспева́я Христу́ во ве́ки.

Богородичен: Помо́щи яже от Тебе́ тре́бующия не презри, Де́во, / пою́щия и превознося́щия Тя во ве́ки.

Катавасия: О́троки благочестивы́я в пе́щи / Рожде́ство Богоро́дичо спасло́ есть; / тогда́ у́бо образу́емое, / ны́не же де́йствуемое, / вселенную́ всю воздвиза́ет пе́ти Тебе́: / Го́спода по́йте, дела́, / и превозносите́ Его́ во вся ве́ки.

Песнь 9.

Ирмос: Чи́стую сла́вно почти́м, людие, Богороди́цу, огонь Божества́ приими́шую во чре́ве неопально, песньми велича́ем.

Врач боля́щих в прегреше́ниях, от Бо́га, блаже́нне, / губи́тель же яви́лся еси́ и прогони́тель лука́вых духо́в, / те́мже тя ублажа́ем.

Зе́млю, яко́же тли жили́ще, оста́вил еси́, о́тче, / и в землі́ всели́лся еси́ кро́тких и с ними́ весели́шися, / Божество́нныя наслажда́яся сла́дости.

Дне́сь день пра́зднственный, / вся бо созыва́ет мона́шествующих стада́, в лик духо́вный, / на трапéзу и снедь нетле́нныя жи́зни.

Богородичен: В Тебе́ всели́вся, Всенепоро́чная, / пре́жде родонача́льники злонра́вно прельсти́вшего человекоуби́йцу Низложивы́й, / роди́ся и вся ны́ спасе́.

Ексапостилярий преподобнаго.

Подобен: Жены́ услы́шите:

Ми́ра благостра́стия, яко́же вре́днаго уклони́лся еси́, / и безбра́шием плоть увяди́в, / обнови́л еси́ души́ кре́пость, преподо́бне, / и сла́вою обогати́лся еси́ небе́сною, пресла́вне. / Те́мже не престáй моля́ся о нас, Иоáнне.

Богородичен: Господстве́нно Богоро́дицу Тя испове́дуем, Влады́чице, Тобо́ю спасе́ни, / и́бо Бо́га родила́ еси́ неизрече́нно, разорша́го Кресто́м смерть, / к Себе́ же привле́кшаго преподо́бных собо́ры, / с ними́же Тя восхваля́ем, Де́во.